

Siaran Media: Pembayaran Peringkat Ketiga Bantuan Rakyat 1Malaysia

 Jumaat, Jun 10 2016

**KENYATAAN AKHBAR OLEH YB MENTERI KEWANGAN II
DATO' SERI AHMAD HUSNI HANADZLAH**

MENGENAI PEMBAYARAN PERINGKAT KETIGA BANTUAN RAKYAT 1MALAYSIA MULAI 15 JUN 2016 (RABU)

1. Melalui pengumuman Bajet 2016, Kerajaan telah memutuskan pemberian BR1M pada tahun ini diagihkan kepada 4 peringkat. Bayaran peringkat pertama telah diagihkan pada 28 Januari 2016 dan peringkat kedua pada 28 April 2016.
2. Sempena menyambut ketibaan Hari Raya Aidilfitri yang dijangka jatuh pada 6 Julai 2016, **Kerajaan bersetuju agar pembayaran peringkat ketiga BR1M 2016 diawalkan mulai 15 Jun 2016 (Rabu)**. Kerajaan berharap dengan pemberian BR1M ini dapat membantu rakyat membeli barangan keperluan dan persiapan bagi menyambut Hari Raya Aidilfitri nanti.
3. Pembayaran BR1M akan dikreditkan terus ke akaun penerima masing-masing. Bagi mereka yang tiada nombor akaun, surat kelulusan akan diposkan terus ke alamat penerima dan seterusnya boleh ditunaikan di mana-mana cawangan Bank Simpanan Nasional yang berhampiran.
4. Sekiranya terdapat sebarang pertanyaan lanjut, boleh menghubungi talian bebas tol 1800-88-2716 serta email kepada: br1m@treasury.gov.my

**Kementerian Kewangan Malaysia
10 Jun 2016**
